

# فرسان صلة الرحم | الحلقة 80 | #فرسان\_العشر | د. حازم

## شومان

حازم شومان

اكبر الله اكبر لا الله الا السلام عليكم ورحمة الله وبركاته. الحمد لله كفى وصلوة وسلاما على عباده الذين اصطفى. الله اكبر الله اكبر الله  
اكبر. لا الله الا الله. الله اكبر. الله اكبر - 00:00:00

ولله الحمد كل عام وانتم بخير يا جماعة. كل سنة وانتم طيبين. عساكم من عواده. عيدهم مبارك. كل عام وانتم بخير. اهل الخليج  
واهل مصر واهل الشام واهل الدنيا كلها وحتى المسلمين الجدد في امريكا واوروبا مش ناسيينهم والله يا جماعة. هابي فيس عيد  
مبارك ان شاء الله على الدنيا كلها. حبايبنا وقرابينا واهالينا - 00:00:20

وكل مسلم على وجه الكرة الارضية. الله اكبر الله اكبر. لا الله الا الله. الله اكبر الله اكبر والله الحمد. احنا دلوقتي في اخطر  
تمانية واربعين ساعة في التلميمية خمسة وستين يوم. افضل الايام عند الله يوم النحر اللي هو كان النهاردة. ثم يوم القرن اللي هو  
بكرة. احنا الوقتي في افضل - 00:00:40

تمانية واربعين ساعة يا جماعة. وعشان كده النهاردة هاتكلم في اهم موضوع نتكلم فيه في العيد واحذر موضوع ننهي به سلسلة  
فرسان العشر. موضوع ايه تتوقعوا موضوع ايه؟ قبل ما اقول لكم لكم موضوع ايه؟ انا عايز اسأل يا جماعة احنا وصلنا لفين؟ المجتمع  
بتاعنا اللي احنا عايشين فيه وصلنا لفين؟ لما نقرأ حادثة عن طفل ماسك موبايل في ايده بيجي - 00:01:00

يسرقوه يقطعوا له صوابع ايده. يقطعوا له صوابع ايده عشان ياخدوا المحمول من طفل. تخيلوا يا جماعة احنا وصلنا لفين؟ لما  
بيجي جريمة من الجرائم تتبين في مطار طفل جاي ميت وجايين بيرجعوه بلده جايين مت肯ف وجايين يرجعوه بلده يدفن في بلده.  
وهم في المطار يعني يعني بطريقة ما يكشفوا على الطفل يفاجئوا انه - 00:01:20

طفل بطنه كلها مشقوقة ومتخيطة وانه طفل اقتل عشان يتحشى مخدرات من جوة عشان المخدرات يهربوها ويدخلوها في  
البلد. احنا وصلنا لفين يا جماعة الى اي مدى؟ الى اي مدى وانا جاي في الطريق - 00:01:40

شفت منزريوقف شعر الراس يرجو في قلب اي انسان. لقيت واحد نزل من العربية راجل كبير وجه على ست كبيرة ست بسيطة  
وماشية كبيرة. وقام لطشها حته قلم احنا كنا كلنا هنتتجنن. يعني بعض الناس جروا عليه يشوفوا ده ايه ده! ده عملت فيه حاجة ما  
حصلش اي حاجة. ده هو كان هيدوسها تقريبا. هي بس يعني ايه بتحاول ترد عليه - 00:01:54

ضرب الالم. بعض الناس جت تدافع عنها. امرأة وبتضرب في الشارع. من واحد جت تدافع عنها. ابني اللي معه في العربية قام رايح  
جاي بمسدس طبنجة وجاي يصوبها على الناس. عايز يموت اللي سبحان الملك! احنا وصلنا لفين يا جماعة! انا قلت يا رب امال اللي  
بيحصل في فلسطين! ده افعال اليهود! احنا بقى وسطنا ناس زي اليهود - 00:02:14

بقي حوالينا ناس زي اليهود عايشين وسطنا بقت المنزري اللي احنا بنشوفه ده اعتداء على امرأة اللي بيجي يدافع عنها يضرب بالنار  
ده الكلام ده عند اليهود في في فلسطين مش موجود عندنا يا اخوانا. الى اي مدى وصلنا؟ الى اي مدى؟ الى اي مدى وصلنا في  
المجتمع بتاعنا يا جماعة؟ الوقت الموضوع اللي انا عايز اتكلم عنه النهاردة صلة الرحم - 00:02:34

الروابط ما بين اهل الرحم وبعضاهم. ما بين اهل الاسر وبعضاهم. يا جماعة قطع الرحم. انا عايز اهجم الليلة على قطع الرحم. اللي بقى  
له خمس سنين. ما شافش عممة من عماته - 00:02:54

اللي بقى له عشر سنين ما شفتش خالة من خالاته. اللي طول عمره ما يعرفش حد من قرايبه ولا كلمه ولا في اي اتصال بينهم. ولا في اي شيء بينهم. واحد هيقول ده ظلموني ده بهدلوني - 00:03:04

انت قاطع وهم قاطع ده قاطع للرحم. هو عشان قاطعك تقطعه انت عشان زلمك تقطعه انت ده قاطع وده قاطع. يا جماعة قاطع الرحم من اخطر الذنوب ما من ذنب اجدر عند الله. ان يعجل له العقوبة في الدنيا. مع ما يدخره في الآخرة - 00:03:14  
ما فيش زنب ربنا بيعجل عقوبته في الدنيا. غير اللي متعان في الآخرة من البغي وقطيعة الرحم. موضوع خطير جدا. موضوع في غاية الخطورة. اه انا ما عدتش عارف - 00:03:34

اخويا انا ما عدش فيه علاقة بيبني وبين اختي. طب ليه يا جماعة؟ كل ده بيحسدني. يا اخي قل الاذكار. ده بيكرهني يا اخي وانت عملت ايه؟ عشان يحبك ولا اولادك ولا اولاده يحبوك. عايزين نقف وقفه - 00:03:44

خطيرة جدا يا جماعة. مع صلة الرحم واهمية صلة الرحم. وافتكر الموقف اللي هزني من حوالي اربع سنين. لما كنت مخلص درس في المسجد وخارج من الدرس فلقيت واحد بيسلم علي - 00:03:54

بيقول لي انت مش فاكرني فبابص له كده فبقول له انا انا شفتكم قبل كده استنى انا هاقول لك هنا ما تقولش انت. فهو وافق بيضحك. فبيقول لي ما انتاش فاكرني فبقول له انا - 00:04:04

انا شفتكم فين؟ انا شفتكم فين؟ احنا كنا زمان. فيه بنتقابل مع بعض. قال لي ده انا ابن عمك. ابن عمي يا جماعة وسنين طويلة ما نعرفش بعض. وسنين طويل - 00:04:14

ما شوفناش بعض لدرجة ان انا خارج من الدرس. ناس ابن عم قريبي. سبحان الملك الجليل. يعني واقفة. احنا بنكلم الناس عن ايه؟ صلاة وصوم وذكر وقيام ليل الكلام ده اولى. الكلام ده اهم عند ربنا - 00:04:24

الكلام ده اعظم عند ربنا سبحانه وتعالى. لما رسول الله صلى الله عليه وسلم جا له الملك في غار حراء وجرى على السيدة خديجة بيرتجف بيرتعش بترتعد فرائسه بيقول لها ذملوني. ذملوني الحقوني. قالت كلا والله - 00:04:34

الله يخزيك الله ابدا. لا يمكن ربنا يسيبك ليه؟ اول حاجة قالتها ايه؟ انك لتصل الرحم. انت بتصل الرحم ربنا لا يمكن يسيب اللي بيصل الرحم. ربنا لا يمكن يخزي اللي بيصل الرحم لا يمكن. يا جماعة سيدنا ابو بكر الصديق لما بنته السيدة عائشة زوجة رسول الله. بعض الناس ولغو في عرضها واتهموها في - 00:04:49

واتهموها بالزنا وفضلوا ليل نهار يتكلموا في المجتمع اذ تلقوه بالستكم. السيدة عائشة اول ما عرفت الناس بيقول عليها كده ارتجفت ووقيعت مغشية عليها وبعد كده اخذتها الحمى وأخذت ترتعد. وبعد كده استأذنت من الرسول عليه الصلاة والسلام راحت عند بيت ابوها سيدنا ابو بكر الصديق. فضلت تبكي لغاية ما قالت حتى ظننت ان البكاء - 00:05:09

فالكبدى لغاية ما البكاء كان هيفتت كبدها. وابوها بيقول والله ما حدث لنا هذا. في الجاهلية افترضى به في الاسلام! تخيل انت شعور اب بنته بتتهم بالزنا. وبنته مين؟ ده زوجة رسول الله صلى الله عليه وسلم. يعني مصيبة في الدين وفي الدنيا. المجتمع بيبله حوالين نفسه شهر كامل. ما هوش عارف يعمل ايه - 00:05:29

في اللقطة اللي فاتت الناس ماشية بعض الناس ماشية تتكلم ليل نهار على السيدة عائشة. كان منهم واحد اسمه مصطفى ابن اثناء. مصطفى ابن اسانتة كان مسكين وكان قريب سيدنا ابو بكر الصديق - 00:05:49

مصطفى ابن قوتة كان سيدنا ابو بكر بيديه معونة شهرية. كفالة شهرية كفالة يا جماعة. لما ربنا نزل براءة السيدة عائشة سيدنا ابو بكر قطع شهرية. هدي مرتب شهري لمين؟ لواحد يعني عمل كل التشبيع ده على بنتي انا وعلى زوجة رسول الله صلى الله عليه وسلم لا يمكن ادي له. فنزل قول الله - 00:05:59

ولا يأتلي منكم اولو الفضل ولا يأتلي اولو الفضل والسعنة منكم. ان يؤتوا اولي القربى. يا رب يا رب ده ده بنتي اولي القربة قريبك. مهما زلمك مهما عمل فيك. ازاي؟ قريبك رحم يا جماعة. عايزين الليلة نعرف يعني ايه رحم. يعني ايه - 00:06:19

صلة رحم يعني ايه ربنا سبحانه وتعالى ينزل اية زي داهية في حق مسطح ابن اسانتة لما سيدنا ابو بكر الصديق كان يقطع عنه

المعونة؟ لا المؤمن ما يقطعش رحمه ابدا - 00:06:36

ديت بتاعة طلاب الجنة. السلسلة دي مش هيقدر يقدر اللي فيها وينفذه ويستمر عليه غير طلاب الفرار من النار. رسول الله صلى الله عليه وسلم لما فتح مكة عليه الصلاة والسلام. قرايبه والناس كلها قرايبه جايين يقولوا له فبيقول لهم ماذ تظنون اني فاعل بكم؟  
تظنوا ان انا اعمل لكم ايه؟ بعد ما رميته صلاة الجزور علي في صحن الكعبة - 00:06:46

ترزوا ايه؟ بعد ما حاولتم تقتلوني مرة في صحن الكعبة وخفقتوني ووقفت مكة تضحك على النبي عليه الصلاة والسلام وتشاور عليه. فظنوني ان انا فاعل بكم ايه؟ بعد ما طردواني من مكة - 00:07:06

ورحت الطائف طردوني من الطائف ورجعت لا عارف ادخل بلدي تاني ولا عارف ارجع مكان تاني. وفضلت محامي في غار لغاية ما واحد من المشركين اجارني. تظنون ان انا في واحد بكم ايه - 00:07:16

بعد عام الحزن اللي انتم وريته لي فيه. والتلاته سنة ليل نهار ايذاء وتعذيب واذى. وشتمن واعتداء. تظنون ان انا فاعل بكم ايه؟ ماذ تظنون اني اهلا بكم فقالوا اخ كريم وابن اخ كريم. بدأوا يدخلوه من سكة الرحم. اذهبا فانتم الطلقاء. شايفين النبي عليه الصلاة والسلام؟ شايفين بر النبي وصلة النبي عليه الصلاة - 00:07:26

الصلاه والسلام. يا جماعة ابو طلحة كان اغنى واحد في المدينة المنوره. تخيل اغنى واحد مسلا في مصر. عنده كم مليار مسلا؟ اغنى واحد في المدينة المنوره. كان عنده جنية - 00:07:46

بستان قدام مسجد النبي عليه الصلاة والسلام. انا عايزك تركز من الكلمة دي اوبي. قدام مسجد ايه؟ النبي يا اللي سافرت العمرة والحج. قدام مسجد النبي، ده الارض فيه بكم الوقتي. ده الارض فيه بميلايرات - 00:07:56

يا جماعة مش في ملايين اصلا. ما لهاش قيمة ما ينفعش تقدر. الارض قدام مسجد النبي عليه الصلاة والسلام كان جنية اسمها بيروحاء. بيروحاء. فلما نزل قول الله لن تناولوا البر حتى تنفقوا مما تحبون. رح لرسول الله صلى الله عليه وسلم. قال له يا رسول الله انا خلاص انا وهبت دي. دي احب ما لي الي. انا وهبتها لله. مين فينا بيعمل كده الوقتي يا جماعة - 00:08:06

مين فينا راجل غني بطلع حته ارض لله؟ بطلع دورين في برج بيبنيه لله. بطلع نص مليون جنيه من رصيده لله. مين يا جماعة؟ مين؟ لن تناولوا البر حتى تنفقوا مما تحبون. فقال له رسول الله صلى الله عليه وسلم - 00:08:26

اجعلها في قربتك خليها في قرايبك يا رسول الله. يا رسول الله ده حته ارض تمنها رهيب. يا جماعة انتم عارفين الارض دي دلوقتي مكانها ايه؟ يعني ممكن يكون مكانها مسلا الهيلتون - 00:08:41

اللي في وش مسجد النبي عليه الصلاة والسلام. ممكن يكون فيها برج من الابراج المهولة اللي في وش الحرم المدني. انتم متخلين يعني ايه الارض دي تمنها ايه؟ ويديها قرايبه ويوزعوا على قرايبه ايه يعني؟ ايه لو اديت لابن اخوك شقة في العمارة بتاعتكم؟ ايه يعني يا اخي لو اديت حته ارض لاخواتك وقسمتها بينهم دي هدية منك لهم ووصل من ايه يعني - 00:08:51

يا جماعة ايه يعني يا جماعة احنا احنا باقول لكم الكلام ده مش هيقدر قيمته غير طلاب الجنة والله العظيم. اما يبقى ناس قرايب الواحد بيشوف ناس سوا في عيلته برة عيلته في الدنيا كلها - 00:09:11

ناس اغنياء جدا جدا وناس فقرا جدا. وجنب بعض وجيران وقرايب واحباب وكل وده لا يرحم ده. ازاي وصلنا لهذه الدرجة؟ طلاب الجنة ما كانواش كده. اللي عايزين الجنة ما كانواش كده. الصحابة والسلف وسلف الامة ما كانواش كده. اللي عايز الجنة والله ممكن واحد يقدر يقول هو الراجل ده بيقول ايه؟ هو ادي حته - 00:09:21

ارض هو ده عقلي ده ان انا اطلع حته ارض لقرايببي! هي الدنيا قاعد فيها الكلام ده! هو عاد حد يعرف حد! اللي عايز الجنة بيعمل اي حاجة! اللي عايز الجنة بيطلع اي حاجة - 00:09:41

طلحة ابن عبيد الله من العشرة المبشرين بالجنة. جا له واحد يسأله برحم من رحمه. يعني لوقا بقرابة من قربته. ادي له حته ارض تمنها تلتميت الف دينار. عثمان ابن عفان كان عارض عليه فيها تلتميت الف دينار اداتها له. اداتها له صلة للرحم ليه؟ افعال عشرة مبشرين بالجنة. افعال واحد من العشرة المبشرين بالجنة - 00:09:51

ليه كانوا طلاب جنة يا جماعة؟ عارفين طلاب الجنة؟ عارفين السلف وعلماءنا ودعاتنا وصحابة رسول الله صلى الله عليه وسلم بزروا قد ايه عشان الجنة كان يروي ان فيه واحد - [00:10:11](#)

اسمه ابو قدامة الشامي. انا عايز اقول لكم الجنة كانوا بيعملوا ايه عشانها. كانوا بيضحوا قد ايه عشانها. كانوا بيسهروا قد ايه عشانها. كانوا لما بيعرفوا ان الحديث ده - [00:10:21](#)

نجيب فضيلة عمل تودي للجنة كانوا بيجتهدوا دي فيها قد ايه ؟ ابو قدامة الشامي واحد من الشام الشام دي ارض مأصلة في الجهاد. ارض مأصلة بيت المقدس واكتافه. ناس مأصلة في الجهاد - [00:10:31](#)

القدامي الشامي كان بيجاحد ليل نهار بيقاتل الروم ليل نهار بيقاتل الصليبيين ليل نهار. ابو قدامة الشامي مرة راح مسجد النبي عليه الصلاة والسلام بيعتمر يعني بيزور مسجد النبي عليه الصلاة والسلام قالوا له حدثنا باعجب ما رأيت. قال لهم اعجب ما رأيت. كان رايج يغزو في سبيل الله عايش حياته في الغزو. فمر على بلد من البلاد فوق في المسجد يرحب الناس في الجهاد - [00:10:41](#) فبدأ الناس ترحب وب بدأت الناس تسخن معه. وناس تطلع تجاهد معه وناس تتبرع له. بيقول فلما كان الليل روح بيته روح البيت بتاعه اللي هجره وقفل على نفسه. فاذا بالبيت - [00:11:01](#)

فازا بالباب يطرق بيفتح الباب لقى امرأة وفي ايدها حاجة ادتها له وانصرفت وهي تبكي. ايه ده! ما هذا! قالت له دول ضفيرتي! دول احسن حاجتين عندي في الدنيا. الضفورتين بتوع شعري. انا قطعتهم. خلهم لجام للفرس بتاعك وانت بتجاهد في سبيل الله. انا املکش اي حاجة غير كده. زوجي مات وخلاص ما املکش اي حاجة - [00:11:11](#)

يمكن لعل الله يغفر لي لما يلاقي اللي جاب فرسك. الضفورتين بتوعي وانصرفت وهي تبكي. بيقول تعجبت جدا من بزلاها وشوقها للجنة تضحيتها بيقول فلما جه بقى يطلع تاني يوم بقى مع اخوانه في الجهاد. فلقى غلام جاي مغطي وشه وعايز يخرج معه. فيبيقول له من انت؟ اكشف وشك. اشوف الاول انت سنك صغير - [00:11:31](#)

تنفع ولا ما تدفعش. فلما كشف وجهه وجده وجها كالقمر. غلام عنده سبعة عشر سنة. فقال له هل لك اب؟ ارجع لابوك. قال له ابي قتل. في جهاد الصليبيين. واخوالي قتلوا. قال له فهل لك من ام؟ قال له امي صاحبة الشيكال. صاحبة الضفورتين اللي جت ادتهم لك امبراح عشان تنجم بهم فرسك. وهي التي ارسلتني وقالت اذهب - [00:11:51](#)

يابني وهب نفسك لله. واطلب مجاورة الله في الفردوس الاعلى. واطلب مساكنة ابيك واخوالك في الجنة. واطلب الشهادة عند الله الله سبحانه وتعالى لعلك ان نلتها تشفع لي عند الله سبحانه وتعالى. اللهم ان هذا ابني وفلذة كبدي وثمرة فؤادي. رببته يا رب وسلمته - [00:12:11](#)

اللهم فقربه من ابيه واخواله. قال له انا شهيد ابن شهيد. انا نفسي ابقي شهيد ابن شهيد. انا عايز اطلع معك اجاحد في سبيل الله. قابلو ابو قدامة بيقول فلما خرجننا كان اسرع واحد. انشط واحد زاكر لله ليل نهار بلا توقف. اكتر واحد بيجتهد في الخدمة لدرجة انهم كانوا صائمين مرة قبل - [00:12:31](#)

على طول وعايزين يفطروا فااصر هزا الغلام ان هو اللي يعمل لهم الفطار هو اللي يطبخ لهم. فذهب فاتآخر عليهم. رحبو القدامي يشوفوا لقاه نايم والقدر جنبه بيطبخ فيه. فيبيقول وهو نايم - [00:12:51](#)

فلان ده نايم لا بيتبسم. وبعد كده التبسم زاد. وبعد كده بدأ يضحك وهو نايم. بدأ يضحك جدا. وبعد كده استيقظ من النوم. قال له يعني رأيتكم تتبسم وبكده ضحكت - [00:13:04](#)

فقال له ايه رؤيا رأيتها؟ قال له قصها علي. قال له اجعلها بيني وبين ربى. قال له اقسمت عليك بالله ان تقصها علي. قل لي الرؤية دي ايه؟ قال له رأيت الجنة. فوالله - [00:13:14](#)

ما رأيت شيئا من انا شفت الحزن اللي عمري ما كنت اتخيل ان فيه حسن زي كده. فيبينما انا اتجول في الجنة اذا بقص قصر بيشع نور النور بيتبضو منه - [00:13:24](#)

ويتلاؤ منه وطوبى لبنة منه ذهب ولبنة فضة. ولكن الشرف والنواذن بتاعته من الجواهر والاحجار الكريمة. منظر رهيب. والستائر

بتعاته ارخيت اتشالت كده من على الشرفات اذا بجواري من شدة الحسن. كل واحدة اجمل من القمر من شدة الحزن. اذا باجمل جارية فيهم اجمل امرأة فيهم. فانظر اليه وتقول - 00:13:34

انبهار هذا زوجي المرضية. هذا زوج المرضية. ده زوج المرضية. فقلت انت المرضية. انت اللي جمالك الباهر ده هو انت المرضية اللي انا جوزها؟ قالت له انا قادمة من خدم المرضية. وان شئت ان تراها فادخل القصر وانظر اليها. بيقول فلما دخلت ونظرت اليها لولا ان الله ثبت بصري لذهب بصري - 00:13:55

لولا ان الله ثبت عقلي لطش عقلي. فقالت مرحبا بولي الله وحبيبه. ولكن لا موعد لك الان عندنا. ولكن غدا بعد بيقول فاستيقظ من الرؤية وقلبه يعني تخيلوا يا جماعة انا لي احده اخوانى من يومين قابله للفجر بيقول لي انا لسة شيع في الوقتي ان انا مت ودخلت القبر - 00:14:15

لقيت مية كده نازلة قلت الحمد لله هاشرب وبعد كده لقيت القبر وسع. ولقيت مراتي قاعدة بتضحك وقاعدة معها الصور كده وقاعدة بتضحك وفرحانة. بيقول انا صاحي ايه ده! ايه الجو الامان ده! ايه جو الاطمئنان ده! ايه جو السكينة ده! هو شاف جو في القبر يعني بدون بقى ايه سرد للرؤبة كاملة! شاف جو في القبر غير متوقع! اهو ده شاف رؤبة - 00:14:35

الجنة صحي فرحان صاحي بيضحك. فلما كان من الغد في الجهد وقف هذا الغلام في الصف الاول. ابو قدامة قال له يا بني انت جاهدت قبل كده؟ قال له انا عمرى ما جاهدت قبل كده. قال له - 00:14:55

ده ده سيف بتطلع ورقابي بتطير وجماجم بتتكرس وايدين بتتحطم ورجلين بتبقى اشلاء. انت هتفق فين؟ ارجع في الوراء. فقال لا. اتريد ان جهنم قال له وما يدخلك جهنم. قال له مش ربنا قال ان اللي يفر من الزحف له جهنم والعياز بالله. لو جهنم وربنا هيصليك جهنم وسأط مصيرها. قال له يا بني ليس - 00:15:05

صمم انا هقف في الصف الاولاني. دخلت المعركة لغاية الظهر طحن مع الصليبيين. فلما انتصر المسلمين بفضل الله. فابو قدامة بيدور كل واحد بيدور على قرايبه ده ما لوش قرایب ما لوش حد. ابوه واخوانه استشهدوا في الجهد. فيدور عليه فوجدوا خلاص محطم بيلفظ انفازه الاخيرة. ويقول اين عمي ابو قدامة - 00:15:25

اين عمي ابو قدامة؟ فلما راح له قال له اخبر امي مني رسالة. اخبرها ان الله قد تقبل هديتها. واحبها اني ان شاء الله مت في سبيل الله مقبلا غير مدبر. واحبها اني سابغ سلامي لابي واخوالي في الجنة. واني ساسفع لها عنده الله ان تقبل الله شهادتي. وايه وحتى تصدقك خد - 00:15:45

جزء من ملابس اللي عليها الدم واديها لامي وقل لها الموعد الجنة ان شاء الله يا اماه. فلما عاد ابو قدامة الشامي الى امه عشان عشان يخبرها بموت انه ويرجع لها الامانة اللي ابنها بعثها لها. فقالت امعزي ام مبشر؟ قال لها وما المعزي وما المبشر؟ قالت له ان تقبل الله هديتي. التي اريها له منز - 00:16:05

سبعة عشر عام فانت مبشر. لو ربنا يتقبل مني منه. مني اتقبله شهيد. انت بتبشرني. وان لم يقبلها مني فانت معزي. قال ابشي. لقد تقبل الله ابنك وبعد كده ورايا الهدوم اللي فيها الدم بتاعة ابنها عشان يقول لها ان ابنك فعلا مشيت في سبيل الله وده دمه اللي اهريق في سبيل الله. قالت كان - 00:16:25

كل ليلة يدعوا الى الله في جوف الليل ويقول اللهم احضرني من حواصل الطير. اللهم احضرني من حواصل الطير. ثم رفعت يديها الى وقالت اللهم اني ضحيت لك بزوجي واحلوتي وابني اللهم فارض عنى واجمعنى معهم واجمعنى معهم في الجنة - 00:16:45

الغلام ده يا جماعة وهو بيموت وهو خلاص يعني يعني مع ابو قدامة الشامي بيوصيه وبيدي له الثوب اللي فيه الدم بتعاته وبيوصيني يقول لامه الملتقى الجنة قبل - 00:17:05

ان يموت قال يا عم والله لقد صدق الرؤيا اني لارى المرضية الان. واني لاشم ريحها. وعد الصدق الذي كانوا يعدون. وبشر الذين امنوا وعملوا مصلحة ان لهم قدم صدق. الجنة يا جماعة. شوفوا هي ضحت باليه عشان الجنة. وجوزها وقرب منها ودي صورتها. شوفوا انها ضحي باليه بعمره عشان الجنة. شف ابو قدامة - 00:17:15

يضحى ب حياته عشان الجنة. احنا الوقتي لما نيجي نقول صلة الرحم والجنة. احنا زاهدين ليه؟ احنا زاهدين في الجنة ليه؟ مش عايزين ندفع تمنها ليه؟ يا جماعة الرحم يا جماعة الرحم - 00:17:35

الرحم لما خلق الله الخلق قامت. في صحيح البخاري فأخذت بحقوق الرحمن. اتوسلت بربنا وقالت هذا مقام العائز بك قطع الرحم. يا اللي بقى لك سنين ما تعرفش قرايبك ولا اعمامك ولا اولاد اعمامك. ولا اولاد اخوالك. ولا قرايبك ولا حد منهم يقصدك في خدمة تعمل له حاجة. وقافتليفونك عنهم وقافتلي - 00:17:45

عنهم يا قاطع الرحم اتق الله هذا مقام العائز بك. فقال الله اما ترضين ان من وصلك وصلته لما ربنا يوصلك هي عمل لك ايه ان من قطعك قطعه. وفي رواية وان من قطعك بتته - 00:18:05

قطعة من الجذور وفي رواية وان منك تكون كث نكس هقطعه هقطعه مش هقطعه هقطعه. ليه؟ الرحم يا جماعة الرحم يا جماعة الرحم صلة الرحم من اعظم العبادات عند الله. الرحم بتقول يا رب ظلمت. يا رب قطعت. يا رب اسيء الي. الرحم بتستغىث بالله - 00:18:20

الرحم ديت باشارة منها يوم القيمة. تدخل الجنة وتترملي في النار. باشارة. فمن اشارت اليه الرحم ان وصلني وصله الله. ده يوم القيمة. ومن اشارت اليه الرحم ان قطعني قطعه الله. الرحم بتدعى لك او عليك كل يوم. من وصلني وصله الله ومن قطعني. قطعه الله. الرحم يا جماعة - 00:18:42

حاجة سهلة انتم متخلين يعني ايه قاطع الرحم ملعون في كتاب الله؟ قاطع رحم ملعون في كتاب الله فهل عسيتم ان توليت ان تفسدوا في الارض ارحامكم ها اولئك الذين لعنهم الله قطع الرحمة عنهم تماما. لعنهم الله فاصلهم واعمى ابصارهم. قاطع الرحم عزرك - 00:19:02

ايه عند ربنا؟ انك آآ خايف احسن تتكسف. هو الله اصل انا قرايببي قرايببي ممكن يكسفوني. انا خايف احسن انا اروح لهم اصلهم ما بيتصلوش بي ولا هم عايزيني ولا محتاجيني في حاجة. وايه يعني - 00:19:22  
يعني لما تتكسف كسوة وتدخل الجنة. ايه يعني مندوب المبععات بيتكتسف كم مرة على ابواب الناس؟ كم مرة؟ عشان يدخل عشان يجيب فلوس عشان يجيب دنيا انت عايز الجنة ايه - 00:19:32

خد لهم هدية حلوة يا اخي تؤلف القلوب. وتحببهم فيك وتقرحهم بك. وتعرفهم انك بتحبهم بجد. خد لهم هدية ومش ولو كسفوك يا اخي. ايه يعني لو كسفوك ايه يعني في سبيل الله؟ ايه يعني في سبيل الجنة؟ زي ما الرسول عليه الصلاة والسلام قال ولا يزال معك من الله ظهير عليهم ما دمت على ذلك. ربنا هيظهرك - 00:19:42

ينصرك وهيايدك. ما دام انت استحملت الكسوف دوت عشانه في موضوع صلة الرحم. لو قرايبك مش راضيين يصلوك وانت اللي بتصلهم ما دمت على واحد يقول انا ابويها من ساعة ما مات. ما حدش من قرايببي عربني. يا اخي ليس الواصل بالكافى. انما الواصل الذي اذا قطعت رحمه وصلها. هو الواصل. يا بختك يا - 00:20:02  
ثوابك. يا اللي قرايبك ما بيسألوش عنك وانت بتسأل عنهم. يا سوابك يا اللي قرايبك مش عايزينك. وانت اللي بتروح لهم. يا سوابك ده رحم يا جماعة. ده - 00:20:22

الرحم الرحيم شجني من الرحمن. والله العظيم انا سمعت حديث ونصوص في الرحم انا عمري ما قريتها في عبادة تانية. على الاطلاق شوشن من الرحمن انا ما لقتش حد فسرها - 00:20:32

اصلا يعني ايه شوشن من الرحمن. يقول لك الشجنة اللي هي الحاجات المتشابكة في الشجر. الشعب المتشابكة في الشجر. او العروق المتشابكة في الدم. ازاي الشوش ده من الرحمن ازاي - 00:20:42

الاوروبي متشابكة في الشجر. ازاي شبينا من الرحمن؟ يعني كان ربنا بيقول لك انت ما تعرفش الرحم دي عندي شكلها ايه ده في البخاري. في البخاري الحديث ده يعني ايه ان ربنا سبحانه وتعالى يقول شفقت لها اسما من اسمي. يعني مقامها عند ربنا ايه؟ يعني ايه ربنا يقول ان قاطع الرحم ملعون؟ يا اللي كلت - 00:20:52

رحم من رحmk. تضمن ان ربنا بيأخذ ورسك في الجنة. ميراس الصالحين في الجنة. زي ما انت حرمت حد من قرايبك من في الدنيا تضمن منين ؟ يا جماعة قطيعة الرحم دي بتعجل عقوبتها في الدنيا قبل اي حاجة. قبل اي شيء بتعجل عقوبتها في الدنيا. بتعجل العقوبة - 00:21:11

بل لا يقبل عمل قاطع الرحم. كما قال رسول الله صلى الله عليه وسلم. تعرض الاعمال على الله كل خميس. ليلة الجمعة. اسمع فلا يقبل عمل قاطع رحم. يا رب ده صلي في جماعة وصام وقام ليل يا رب. لا يقبل. يا رب ده العشرة ريال من ذي الحجة قطع سجاجيد الصلاة عبادة. لا يقبل - 00:21:31

يا رب ده في رمضان صلي وصام واتهجد واعتكف. لا يقبل عمل قاطع رحم. لا يقبل لا يقبل. ازاي يا رب خد اللي اخطر من ده في البخاري ومسلم لا يدخل الجنة قاطع. لا يدخل الجنة ما يقربش من الجنة اصلا. ما يدخلش الجنة. ما يدخلش الجنة ازاي ؟ ازاي يا رب كل اللي عمله ده ؟ الا - 00:21:51

الا الرحم يا قاطع الرحم اتق الله. يا قاطع انا بقول الكلام ده في العيد ليه ؟ لأن احنا قدامنا اربع تيام اهو يا جماعة. النهاردة وتلات تيام في العيد. زر قرايبك يا اخي. اتصل - 00:22:11

قرابيك يا اخي. كل قريبك وقرابيك وختلك وعمتك وعمك وعمتك كل الناس يا اخي. اتصل بقرايبك. صل رحmk يا اخي سبحانه الملك الجليل مهما كان اهلك ما ورثوكش صلة الرحم. مهما كان اهلك ما عرفوكش بقرايبك. رح لهم. اتق الله فيهم. طب انا قرايبك انت ما انتاش عارف - 00:22:21

ما انتاش عارف عملوا في ايه. ده بهدوني. دخلوني محاكم. كلوا ورسي. ظلموني. انت ما انتاش عارف عملوا في ايه دول ما بيحبونيش. اسمع بقى. افضل الصدقة افضل ايه ؟ افضل الصدقة. الله! يعني مش سواب صدقة! لا لا دا افضل الصدقة. الله! افضل صدقة! الصدقة على مين يا رسول الله! افضل الصدقة الصدقة على ذي الرحم - 00:22:38

الكافح. يعني ايه زل الرحم الكافح؟ الكافح اللي انت عارف انه ما بيحبكيش اللي انت عارفه انه بيكرهك. اللي انت رايح له وعارف انه بيضر العداوة لك. اللي انت عارف انه لو يقدر يأزيك يأزيك. ايه ده! ده افضل صدقة! مش افضل الصدقة على اليتيم - 00:22:58

كفيه هو هو وانت يا رسول الله في الجنة كهاتين لأ مش افضل الصدقة الصدقة على المسكين اللي انت قلت يا رسول الله الساعة الارملة والمسكين كالقائم الذي لا يفتر - 00:23:14

الصائم الذي لا يفطر كالمجاهد في سبيل الله لأ مش افضل الصدقة يا رسول الله الصدقة على المريض والمح الحاج لأ افضل الصدقة على ذي الرحم الكافح كمان انت عارف ان هو ما بيحبكيش - 00:23:24

يعني يا جماعة سواب رهيب احنا مضيعينه ليه ؟ ليه ؟ تيجي تقول لي بقى انا عارف ان هو ما بيحبونيش ايه يعني ما بيحبكيش. ايه يعني ما بيحبكيش ؟ ايه القضية يعني ؟ هو انت بتعمل كده ؟ المخلص ما بيتردش - 00:23:36

المخلص ما بيعملش العبادة لانه بيحبها وبيكرها او سهلة وصعبة. المخلص ده بتاع ربنا يا جماعة. بتاع ربنا ما بيتردش ابدا في طاعة لله. سبحانه وتعالى الدنيا اللي بيصل رحمه ده الدنيا الرسول بيقول اعجل البر ثوابا. اعجل البر ثوابا مش ربنا اسرع الحاسبين. بيديك حسابك اول ما بتعمل العمل الصالح في - 00:23:46

الدنيا قبل الآخرة. اعجل البر ثوابا. اكتر حاجة هتلacci ثوابها فورا. ايه يا رسول الله ؟ صلة الرحم. يعني انت عايز الدنيا صل الرحم. بل ورد في بعض ان اجابة الدعاء مرتبطة بصلة الرحم. بل عبدالله بن مسعود كان مرة قاعد في قعدة بعد الفجر. فاراد انه يرفع ايده والناس تدعى معه. قال لهم ناشدكم بالله. من كان منكم قطع - 00:24:06

الرحم اللي بقى له سنين ما يعرفش قرايبه ولا بيروح لهم ولا بيزورهم. ولا بيتصل بهم. ناشدكم بالله. من كان منكم قاطع للرحم فلا يقربن مكاننا ما يقعدش معنا يقوم ليه ؟ ليه يا ابن مسعود؟ فان ابواب السماء مرتدة في وجه دعاء قاطع الرحم. ابواب السماء مفرولة - 00:24:26

بالضبة والمفتاح في وش دعاء قطع الرحم. يعني دعاؤه لا يجاب طب انت صابر على كده ليه؟ حاطط نفسك في كده ليه؟ حاطط نفسك في الوضع ده ليه؟ نضيع السواب ده ونعرف - 00:24:46

نفسك للهالك ده ليه؟ ليه يا جماعة؟ يا جماعة في رواية لابن حبان وما من اهل بيت يتذارعون او يتواصلون الا ولا يحتاجون. ربنا يخليهم ابدا. ما يحتاجوش لحد. حتى لو ظلم حتى لو عصاة بس بيوصلوا الرحم. بس بينهم وبين بعض ود. الحديث الخطير. من سره ان ينسأ له في اثره. في 00:24:56

رأي ان ينسأ له في اثره. وان يبسط له في رزقه فليصل رحمه. ينسأ له في اثره. يعني ايه؟ يعني يطول عمره. يطول عمره؟ يا اما على قول بعض السلف - 00:25:16

ان هو ربنا ببارك لك في عمرك وليلك ونهارك يا اما يطول عمرك فعلا يطول عمره ويوصف له في رزقه مش عايز سعة الرزق. انت ليه زاهد في ده؟ كل ده عشان ايه؟ عشان - 00:25:26

شوية آآشوية رواسب جوة القلوب عشان شوية قضايا قديمة يا اخي! يا اخي سبحان الله! يا اخي والله العظيم الواحد بيقى بينه وبين حد. سواء من قرائيه ولا من غير قرائيه ولا من الناس - 00:25:36

ياما سواء ورسها من قبل كده عن اهله او او ايا ما كان. بيروح ويتكلم بيلقى الدنيا سبحان الله العظيم. ولا كأن في حاجة. والقلوب بتتصافى. والناس بترجع والود بتتمدد بسوراني بينه وبين الناس وربك بيرضى. وربك بيبعث لي سبحان الله! احنا زاهدين ليه؟ خايفين ليه؟ واحد راح لرسول الله صلى الله عليه وسلم. بيقول له يا رسول الله - 00:25:46

الله اذنبت ذنبنا عظيمها. انا وقعت في مصيبة. انا عملت كبيرة. الكبيرة دي يا راجل مش عايز يقول. انا عملت مصيبة يا رسول الله. اعمل ايه؟ قال له هل لك من امي؟ قال له - 00:26:06

ماتت ماتت يا رسول الله. قال له هل لك من خالة؟ قال له نعم. قال له فبرها. يعني صلة الرحم تكفر الكبائر. تكفر الكبائر! طب تجيب حسنات تجيب حسنات الفاظ احاديس صلة الرحم لا توجد في حديث ثاني. ها ما احب الاعمال الى الله يا رسول الله؟ احب الاعمال قال له الايمان بالله. قال له ثم مه؟ قال له - 00:26:16

صلة الرحم صلة الرحم بعد الايمان بالله لأ ده في حديث ثاني خطير افضل اخلاق اهل الدنيا والاخرة. وفي رواية افضل اخلاق الاولين والآخرين. افضل حاجة البشر عملوها في المعاملات في التاريخ كله - 00:26:36

ايه يا رسول الله ان تصل من قطعك. وان تعطي من حرمك وان تعفو عن من ظلمك. ان تصل من قطعك. انك توصل للي قاطعك. ده افضل حاجة يا رسول الله - 00:26:50

الاخلاق يعني يا رسول الله انت قلت ان اقربكم مني مجلسا يوم القيمة احسنكم اخلاقا. اخلاقا. يا رسول الله ده انت ده كل ما الواحد خلقه بيزداد كل ما بيقى جارك في الجنة يا - 00:27:00

يا رسول الله ده انت قلت ان الرجل ليبلغ او ان المرء لا يبلغ بحسن الخلق منزلة الصائم القائم. اللي اعلى من كل ده يا رسول الله - 00:27:10

اللي يصل من قطعه اه والله العظيم. اللي يصل من قطعه. حتى لو قرائيه قطعه يوصلهم وصل للرحم يا جماعة. وصل الرحم ده عند ربنا سوابه عزيم اوبي. عند ربنا ما بيقعش ما بيتكسرش - 00:27:22

ما بيتسبيش ربنا ما بيخربيوش ربنا ما بيسيبويش. ربنا ما بيضيقهاش عليه. واصل الرحم ده عند ربنا مقامه قد ايه؟ اعظم من مقام اللي بيصوم ويصوم يصلوا ويذكروا اعظم المقام اللي بيعمل العبادات ولكن ما بيعملش المعاملات. اعظم من مقام كله تقول واصل للرحم يا اخواني. واصل الرحم. طب شف بقى الحديث - 00:27:32

الرسول عليه الصلاة والسلام بيقول انما الدنيا لاربع. اول نوع ايه؟ هم. رجل اتاه الله مالا وعلما. فهو يتقي فيه ربه ويه ويعلم لله فيه حق. ده ما له يا رسول الله! فهو افضل المنازل - 00:27:52

ده افضل واحد في الدنيا يا رسول الله اللي يصل رحمه بالمال اللي ربنا اداه له. ده افضل المنازل يا حبيب الله. ايه ده! ايه المقامات

العالية العظيمة دي يا جماعة؟ ايه الثوبات الرهيبة دي - 00:28:07

ومن شوية افضل الصدقة الصدقة على ذي الرحم الكاشج. انا والله يا جماعة ما سمعت الكلام اللي في نسوس الرحم في اي حاجة  
تانية. عمرك شفت عبادة الرسول قال عليها بینسأ بسببها في اسر العبد بتطول العمر. سمعتها دي قبل كده؟ سمعت عن عبادة امسكت  
بحقاوي الرحمن في صحيح البخاري. وقالت هذا مقام - 00:28:17

حقوق الرحمن اللي العلماء قعدوا يفسروا بقى قالت يعني استغاست. العلماء بقى مختلفين اختلافاتهم في معناه. وناس والحقوا  
الرحمن اللي هو العرش وناس والحجرة. يعني ايه يا جماعة يعني ايه؟ يعني يعني الدسوس دي سمعناها قبل كده. سمعت عن عبادة  
الرسول عليه الصلة والسلام قال ان اللي مش هي عملها ربنا هيقطعه - 00:28:37

ومن قطعك قطعه سمعت عن عبادة فيها الكلام ده ان اللي هيقطعها ربنا هيبيته ربنا هينكته سمعت عن عبادة فيها  
التهديد اللي تركها حاجة يعني معناها ان ربنا سبحانه وتعالى مقام العبادة دي عند الله شكله ايه؟ ودرجته ايه؟ ومقامه ايه؟ انا قلت  
لكم ابو بكر - 00:28:57

الصديق اللي اتهم بنته ربنا قال له اعف عنه. اولي القربى اولي القربى يا جماعة الا صلة الرحم. ان كلا والله لا يخزيك الله ابدا. كفاية  
انك تعيش حياتك الكلمة دي. كفاية انك تعيش حياتك. كلا والله لا يخزيك الله ابدا. وانت حاسس ربنا مش هي خزيك ابدا. ومش  
هيسيبك ابدا - 00:29:17

ابدا كفاية انك تشابه العشر المبشرین بالجنة. زي طلحة بن عبید الله وانفاق وزي ابو طلحة. لما طلع بيروحاء في قرابته في صلة  
الرحم. كفاية انك انت الرحيم بتاعتك تدعى له - 00:29:36

كل يوم من عند عرش الله من تحت عرش الله وتشير اليك يوم القيمة. يا رب هزا وصلني. فهو يصلك الله سبحانه وتعالى. كفاية يا  
جماعه ان الرحيم بتستناك على الصراط. على الصراط! ايوه - 00:29:46  
يا تعديك يا توقعك. طب تخيل لو انت قاطع للرحم. هتعمل ايه؟ يا تعديني يا توقعني على الصراط هي والامانة. اللي بيكتشف شغله  
واللي واللي والي بيسرق واللي للمسلمين سلع مغشوشة الامانة والرحم الرحم والامان. الرحيم مستنياك عند القنطرة اهل الارحام.  
حقوقنا فين؟ فين حقوقنا اللي كانت عليك لنا؟ فين - 00:29:58

الرسول عليه الصلة والسلام بيقول من كان يؤمن بالله واليوم الاخر فليصل رحمه. انت مؤمن لو مؤمن بالله صل رحمة. لو مؤمن بعد  
باب القبر والنعيم وصل رحmk لو مؤمن بالصراط والقنطرة والميزان في رحmk. لو مؤمن بجهنم صل رحmk. لو مؤمن بالجنة  
والفردوس ومقامات هتصل رحmk. يا جماعة من كان يؤمن يعني دي شعبة من شعب - 00:30:18

يعني ايمانك ناقص يا اللي ما بتوصلك رحmk. جزء من ايمانك ركن من ايمانك نقص. مش موجود. يا اللي ما بتوصلك رحمة يا  
بختك يا واصل الرحم! يا بختك يا اللي عارف حق ربنا في رحmk! يا بختك يا واصلة الرحم! يا جماعة هو صلة الارحام! اللي بيمنع  
زوجته عن ارحامك! تمنع زوجتك عن ارحامها ليه - 00:30:41

ليه؟ ده انت كده تاخذ ازن قطع الرحم. هي معزورة هي هي مضطربة خلاص تسمع كلامك. انت بتاخذ سورة اسم قاطع الرحم. ولما  
تسبيها تصل رحها. انت بتاخذ صلة الرحم. يا جماعة يا اخوانا عايزين عودوا ولادكم على صلة الرحم. بدل ما ولادكم يكروا بكرة  
يلاقوا نفسهم نبقو عارفين قرایبهم. ولا حد عرفهم قرایبهم ولا حد ما سمعوش غير - 00:31:00  
كان كلام نقد ولا كلام فيه تكريه لقرایبهم ليه يا جماعة؟ ليه؟ ليه؟ ده الرحم دي بالنسبة لولادكم عزوة. حتى ولادك  
يبي فيه ناس يا اخي سند يا اخي من دمه. بيته وبينهم دم بيحبهم ويحبوه ويصلهم ويصلوه. تاخذ ولادك في العيد دهو وتاخدي  
ولادك. لكل قرایبك وتعرفهم عليهم. ليه يا جماعة - 00:31:20

دي صلة الرحم احنا مقصرين فيها. هذا التقصير الرهيب. من ضمن صلة الرحم يا جماعة. وده طبعاً موضوع له مجال كبير جداً. ولكن  
الوقتي لازم نشاور له النشاوى اللي فيه في العيد. في العيد في الاوقات اللي فيه امهات واباء الوقت في دور المسنین. اولادهم ممك  
يتصلوا بهم او ما يتصلوا بهم في دور المسنین. يعرفوا لهم كويسيين ولا لا. دلوقتي - 00:31:40

في اباء وامهات بيشحتوا ولادهم ومش عارفين يلاقوا ولادهم. اباء وامهات فانوا عمرهم عشان ولادهم. وفي الآخر ولادهم باعوهم عشان ده مراته وزوج جوزي يا ماما ومراتي يا امي وجوزي يا بابا وخلاص الموضوع خلص مع السلامة كفاية عليكم كده اديتهم امتكم وخلاص. ازاي يا جماعة؟ يا جماعة التضحية اللي الام - 00:32:00

اعملها لولادها الوالدين بيعملوها دي ما فيش زيهما في الدنيا كلها. عاملة بالزبط زي عارفين الكتكوت اللي بيطلع من البيضة؟ اما بيطلع من البيضة بيكون كل اللي جواه انتهى وما عادتش غير شوية قشر متهمش وهو طلع كائن لسة بيستقبل الحياة بكل قوته. اه بالضبط كده عم امك بتربيك بيكون عمرها راح فين - 00:32:20

نضارة شبابها وقوتها وصحتها. انت بقىت قوي وفي عز قوتك. وهي ضحت بكل حاجة عشانها. اول ما العيال يتمنوا قرية على قدام ما حدش يبص لورا جري على جوزها جارية على على مراته جارية على ولادهم جري. ما حدش يبص لورا ليه؟ ما حدش يبص للام والاب اللي ربوكم ليه؟ ده ربنا سبحانه وتعالى بيقول اللي بيجري اقف - 00:32:40

عندك اقف هنا انت رايح فين وقضى ربك الا تعبدوا الا اياته وبالوالدين احسانا. قضى يعني الامر ده اترفع للقضاء الاعلى في السماوات الارض كلها القضاء الاعلى لو ربنا قضى اقف انت رايح فين؟ سايب امك وابوك رايح فين؟ وقضى ربك الا تعبدوا الا اياته وبالوالدين احسانا. الوالدين بعد ربنا؟ اه تاني - 00:33:00

الرابطة في الوجود تاني اكبر صلة في الوجود وعلاقة في الوجود علاقة الاسرة. اللي بيخرج منها الارحام اشمعنى الوالدين؟ امك دي لو انت مت يا ابني امك دي حياتها انتهت حياتها اتحطمت. ما شفتش ام ابنتها انت عارف هي بتحبك قد ايه؟ ده الاب تلقي ابن ابنته المدرسين مش - 00:33:20

الجيран مش طايقينه. الناس مش طايقينه هو الولى مش طايق نفسه. ويقولوا لابوه اضربيه قدمه. الرجل ايده مسلولة مش قادر يمد ايده على ابنته ليه؟ من كتر العاطفة اللي في قلبه تجاه ابنته. لما بي Shawوف حد من اخواننا وكثير من الملزمين والملزمات عاق لوالديه. للأسف الشديد عاق لوالديه. ما فيش بر. هو - 00:33:38

انك انت زاكية امي وزكي يا ابي انت كده بقىت واصل لوالديك ولا بار بوالديك! فين بر الوالدين؟ فين؟ كثير من الملزمين عاق الوالدين. لما تيجي تشوف الملزمين بيعاملوا ازاي مع بعض - 00:33:58

والديهم يا جماعة يا جماعة وبالوالدين احسانا. لما بشوف اخ من الاخوة بيشد على حد من اهله وهو بيعمل كده ليه؟ اقول له يا ابني اما تخلف هتعرف الام والاب بيعحبوا الابن قد ايه. هتعرف العاطفة الرهيبة اللي في قلبه. انت عمرك ما هتقدر الا اما تخلف. عمرك ما هتعرف الا اما تخلف. وبالوالدين احسانا اما يبلغنك - 00:34:08

عندك الكبر احدهما او كلاهما فلا تقل لها اف. الوقت جاي تقول لهم اف وامك. لما غيرت لك ميت الف مرة وانت طفل صغير ما قالتش اوف ليه؟ ولما كانت حامل فيك تسع شهور كانه حقن سم في جسمها كلها. ما قالت لكش اف ليه؟ ولما اهلك صرفوا عليك كل سنة وكل شهر وكل يوم وكل ساعة لغاية ما ابوك جوزك - 00:34:27

امك اتجوزتك في الآخر بمكافأة نهاية الخدمة بتوعهم. وسابوا اخر فلوس ممكن تبقى معهم في حياتهم. عشان انت تتجوز. ما قالو لكش اوف ليه؟ ولما امك اكبر تضحية في الدنيا كلها اتضحت هي تضحية الام عشان ابنتها. انت لما كنت صغير كده كنت حنة خلية واحدة اتزرعت في رحم امك حنة خلية بس خلية - 00:34:47

كشره خلية نهمة خلية قاعدة تمزق في اللحم بتاع الرحم. وقاعدة تنص في خلاصة دم الام. الام تقدر تأكل وتشرب وتنغزى وخلصت كل ده تروح لك انت وانت لسة خلية بتكبر بكل نهم ويتتوسع بكل شراهة على حساب خلاصة دم واسار الدم الام لغاية لما بييجي عضمك يتكون - 00:35:07

يبدأ الكالسيوم اللي في عضم امك يدوب ويتحلل في الدم. عشان يتكون منه عضمك انت. عشان بعد سنين يجي لها ايه هشاشة عظام وانت تبقى واقف زي القطر كده اهو عضمك مبني بقمة القوة والمثانة - 00:35:27

وبعد كده بعد كده تقول ادفع لها ايه؟ تديها تمن هتديها تمن ايه؟ هتديها تمن كبدك ولا كلتك اللي تكونه من دمها ولحمها؟ ولا تديها

تمن عضمك اللي ا تكون من عضمها - 00:35:41

بعد كده بترت وبقى عندها هشاشة عزام وانت اللي بقىت قوي. هتديها تمن ايه ؟ هتدفع لك جاية دلوقتي وتقول لها اوف! وما قالت لكش هي اوف من زمان ليه! لما قعدت تأكل ووسخت حواليك مية الف مرة - 00:35:51

لما وسقت هدومك وغرتها لك ميت الف مرة. كل ده ما قالت لكش اف وانت اللي جاي النهاردة. تقول لها اوف فلا تقل لهم اف. ولا تنهرهما. النهر زي نهر النيل - 00:36:01

النهر اللي هو الشق الكبير اللي يشق الارض. عشان كده نهر النيل يتسمى نهر. لانه شق وشق الارض والماية جرت. لا تنهرهما يعني الكلمة اللي هتقولها لهم جارحة هتشق نفسيته بقى تشق قلبه. ولا تنازما وقل لهم قولوا كريما. احترمهم قدرهم ارفعهم. عظمهم. حط جزمنتهم على راسك. قدرهم - 00:36:11

وقل لهم قولوا كريما. حسسه اتكلم عنهم قدام الدنيا كلها على انهم اعزم اتنين في الدنيا دي كلها. وقل لهم قولوا كريما واحفظ لهم جناح الذل الذل يعني ايه؟ يعني اشتغل لهم بتاع شاي وقهوة تعمل لهم شاي وقهوة. اشتغل لهم مكوجي تاكلهم هدوم. اشتغل لهم غسالة. تفسل لهم هدومهم. اشتغل لهم فراش تمسح لهم الارض - 00:36:31

استغلوهم اشتغلوهم كل حاجة. استغلوهم غسال ومكوجي. واستغل لهم بتاع احزيه. لما علوم الاحزيه بتاعتهم. استغل لهم كل الشغالانة اللي تستغلهم اي شغالانة طباخ. تطبخ لهم الاكل اللي هم عايزينه. واحفظ لهم جناح الذل من الرحمة. وكمان وقل رب ارحمهم. يا رب - 00:36:51

انا رحمتهم بس رحمتي بسيطة على فضلهم. انا عايز رحمتك الواسعة يا رحمن يا رحيم هي اللي تشملهم بها. وهي اللي تحط بها. يا جماعة صلة الرحم صلة الاخت اللي له اخت ومهملها. يا اخي اختك يا اخي اتق الله في اختك يا اخي واتق الله في اولاد اختك يا اخي. اتق الله. يا جماعة ده - 00:37:11

ده رحم يا جماعة عارفين يعني ايه رحم؟ خلقت الرحم وشقت لها اسماء من اسمي. اسماء من اسمي. الرحم ديت بتحاوط بالجنين من كل ناحية. قمة الرحمة. قمة الحماية قمة الحصانة ما فيش اي مكروه يقدر ينفз له. الرحمن اللي رحمته وسعت كل شيء وشملت كل شيء. رحمته غرفتك - 00:37:31

ما فيش ضر قدر ينفز لك من من خالله. عشان كده الرحم اشتق لها اسم من الرحمن. لان الرحم فيها الرحمة الشاملة اللي مغطياك ومغرقاك. ومحصلة وحاميك. الرحم دي هي اللي بينك وبين قرايبك. ازاى تقطعها؟ ازاى تقطعها؟ وانت مستني من ربنا ليه وانت تقطعها؟ مستني من ربنا ايه لو انت فرطت فيها - 00:37:53

عشان كده يا جماعة عشان كده الرسول عليه الصلاة والسلام اول حديث قاله اول ما دخل المدينة يا ايها الناس ايه الناس نعم يا رسول الله افسحوا السلام واطعموا طعام وصلوا الارحام. وصلوا بالليل والناس نيا. تدخلوا الجنة ايه؟ بسلام. يعني ايه يا رسول الله؟ بسلام - 00:38:13

العالم كله الكورة الارضية دي كلها يا جماعة العالم كله اللي تحت التراب واللي فوق التراب واللي في الارحام لسه واللي في اصناف زهور الرجال لسه كل ده العالم كله - 00:38:33

ويقوم يوم القيمة كله ما عندوش غير كلمة واحدة. يا رب سلم سلم. سلم يا رب سلم. السلامة يا رب. الرسول عليه الصلاة والسلام بيقول بقى صلوا الارحام تدخلوا الجنة بسلام - 00:38:43

ما فيش اي مشاكل اخروية تقابلك. طب لو ما وصلتش الارحام ما عدش فيه السلام بقى. هييجي السلام منين؟ لو انت قاطع رحم. السلام هييجي منين؟ السلام هيحوطك منين؟ هييجي لك - 00:38:53

من اي ناحية لما انت قطعت الشجنة اللي من الرحمن اللي هي الرحمن لما انت قاطعت اللي كانت معلقة بعرض الرحمن الوقتي اهو في اللحظة اللي احنا قاعدين فيها. وهي بتتوسل الله و بتقول له يا رب هذا مقام العائز بك من القطبيع. يا رب - 00:39:03

ظلمت يا رب قطعت يا رب اسيء الي. امال الوقت والرحم تقول ايه؟ امال الرحمن الايام دي تقول ايه يا جماعة ايهرأيك في الايام

بتعاتنا دي اللي ممکن الناس بيرموا اهاليهم فيها اللي ممکن الاخ بيترى من اخته والغنى في العيلة بيترى من الفقير اللي ربنا فتح عليه في مركز ولا - 00:39:17

خد مركز بيترى من بقية العيلة امال الرحم زمانها بتشكوا ربنا مننا بنتقول له ايه؟ زمانها بتشكوا ربنا من المجتمع اللي احنا عايشين فيه بنتقول له ايه؟ دي عبادة من اخطر العبادات الصلاة - 00:39:33

صورة المؤمنين مع بعض. صورة المسلمين مع بعض ودي صورة المسلمين اللي بينهم وبين بعض دم دم انك لازم تعرف قرايبك. ولازم تعرف رحmk. ولازم توصل لرحمك وتوصل لهم. وتقربيهم منك. عايزين نبقي واصلين للرحم يا جماعة. يعني - 00:39:43  
التصويات بتاعتنا اول حاجة احنا في العيد الوقتي باقي تلات ايام والنهاردة اليوم الرابع اهو. انصر رحمة. عندها زيارات يا اخي. قضيبيها زيارات لقرايبك. زر قرايبك وقرباتك. زرهم كلهم. صلهم يا اخي. معك فلوس صنهم بفلوسك يا اخي. ده ربنا سبحانه - 00:39:59

تعال شف سوابك عند ربنا شكله ايه. دي هدية. هدية لاحب ناس اليك. واقرب ناس اليك. واكتر ناس. هتقول دا ما بيحبونيش. مش ما بيحبكيش يا ابني. هي الدنيا دلوقتي - 00:40:13

صعبه. الدنيا بقت صعبه ده وراه مصاريف وده تكاليف. وده بيص لك يحس انك انت مستريح وما سالش عنه في المشكلة. انما اول ما الناس بقى بتغسل كل الحاجات دي وتقرب من بعض تاني وتتعدد لبعض تاني. كل ده بيذوب. انت في حد هيحبك اكتر من رحmk؟ فيه حد هيبقى بينه وبينك صلة اكتر من دمك؟ وغير كده ربنا يا اخي. ربنا - 00:40:23  
وتعالى. الاربع تيام دول. طب الليلة نعمل ايه؟ الليلة كل واحد يمسك المحمول بتاعه او التليفون بتاعه يعمل عشر مکالمات لرحمه. عشر مکالمات على الاقل ممکن واحد يعمل عشرين ممکن واحد يعمل تلاتين على قد ما تقدر بقى. خلص رصيد المحمول بتاعك النهاردة على صلة الرحم. ازاي؟ ورجل اتاه الله مالا - 00:40:43

فسلط على هلكته بالحق. النهاردة سلط على هلکة رصيد محمولك بالحق تبقى واحد من اتنين ما حدش يتحسد غيرهم في الدنيا. اللي ربنا اتاه القرآن واللي ربنا ادى له مال سلط على هلكته بالحق. سلط يا اخي على راسه يدبح مولك بالحق يا اخي. انك انت تتصل بقرايبك. واحد واحد كلهم. بس ده انا في كتير منهم - 00:41:02

ما اعرفش نمرهم للاسف الشديد. للاسف ده حالنا كلنا يا جماعة. حالنا كلنا والله العزيم. كلنا بلا استسنا. كثير من عايزين نوصل لهم مش عارفين اصلا نوصل لهم. ما احناش عارفين - 00:41:22

ازاي! فتخيلوا يا جماعة النهاردة اتصل بمن تستطيع. عشرة على الاقل عشر مکالمات. زي ما الرسول عليه الصلاة والسلام بيقول بلووا ارحمكم ولو بالسلام ولو بالسلام عليكم. ولو بمحالمة هاتفية بلووا ارحمكم. بالله الارض الناشفة دي الارض اللي انتم بقت ناشفة - 00:41:32

واتشقت دى بلهها. احبيها تاني. الحاجة العلاقة الناشفة دي بالله. خليها لينة تاني. خلي العلاقة بينك وبين قرايبك كده قولوا ارحمكم اللهيب المحترق ده بولو. طفيه بماء صلة الرحم بلووا ارحمكم ولو بالسلام بقى عشر مکالمات الليلة ان شاء الله بازن الله - 00:41:52  
طيب عايزين يا جماعة عموما عايزين نبقي واصلين للرحم يا جماعة دول قرايبك وولاد عمك وولاد خالاتك واقعد بقى ادخل بقى على قد ما تقدر على قد ما تقدر طب وبرضو العم يوصل لواحد اخوه؟ والخالة توصل لولاد اختها وولاد اخوها والعم يوصل ولاد اخته ما انت انت الكبير يا اخي انت الكبير ونفس السواب ده لك انت كمان مش الصغير هو اللي وصل - 00:42:12

صلة الرحم مش معناها ان الصغير بس هو اللي يوصل للكبير. والكبير يوصل للصغير. والكبير يوصل الصغير يا جماعة. هو ايه صلة الرحم؟ صلة الرحم. يا اتصالات يا زيارات يا هدايا! ما هي صلة الرحم! اتصالات! اتصل يا اخي! خلي دايما كده خلي معك ورقة اعمل ورقة صلة الرحم! فيها كل قرايبك نمرهم! بحيس ان في اي - 00:42:33

دلوقتي لقيت نفسك فاضي نص ساعة بيا بالتليفون اشتغل اشتغل اشتغل. اكتب قرايبك في الورقة لوحدك يا بورد صلة الرحم. كل اسبوعين ثلاثة تقوم ايه مطلع ومتصل بالجميع. اعمل ورقة - 00:42:52

صلة الرحم طيب والزيارات زورهم طب وافرض بها الكسف هات هدية جميلة. هات هدية جميلة وادخل يا اخي. والناس هتفرح بك وتهتحبك من غير لا هدية ولا حاجة. ولكن يا اخي - 00:43:02

الهدية معك من باب يا اخي مزيد من البر والالفة والود اللي ربنا يرضي بها. عنك اكتر ويحبك بها اكتر ويأجرك بها اكتر. الهدايا الهدايا يبقى الاتصالات والزيارات والهدايا. اولادك خدهم معك في الزيارات. عرف اولادك قرائيك. عرفهم عشان يا اخي يطلع عندهم عزوة يا اخي. ويطلعوا يقدروا يصلوا لرحمهم. عيني ولادك - 00:43:12

على صلة الرحم. عشان يبروك انت لما تكبر يبروك انت لما تكبر مراتك. ما تمنعهاش من قرائيها. حرام عليك. ما تمنعهاش من قرائيها. عينها عشان تاخد سواب صلة الرحم معها. ما دا جزء من صلة الرحم - 00:43:32

ولو قطعت الرحم بينها وبين قرائيها قلت لها اقعددي في البيت وعملت هو هنا هتعمل راجل! انك انت تحرم مراتك من صلة رحمها! طب لو انت عملت كده شف عقوبة اثم - 00:43:45

خطوة اروح مضائق عليك انت. ماشي عليها هي ان شاء الله لان هي مضطربة. لان هي مضطربة ومجبرة. الوقت يا اخواني احنا اتكلمنا النهاردة في صلة الرحم كان فيه مشاريع تانية و حاجات تانية مهمة جدا وقيمة جدا ولكن مشاريع صعبة. احيانا بعض العائلات الكبيرة بتجمع بعضها وتعمل اجتماع كل كذا شهر. الفقير الغني - 00:43:55

يدي له الشاب اللي بيتجوز يساعدوه اللي عايزيني اوضة في السطوح يبنوها له. يبدأوا بقى يتكافلوا مع بعض بقى افكار جميلة قوي. قوي ولكن عايزه ناس عايزه ناس يعني ايه يكون حد من كل - 00:44:15

عيلة كبيرة كده يجري ويصعد الناس مع بعضها. ويحسس الاسرة الكبيرة دهيت بالتوابل بينها وبين بعضها. انا والله اتمنى يا جماعة لو اي حد من قرائيي والله العزيم قسما بالله لو اي حد من قرائيي اللي انا ما اعرفوش اللي انا مش عارف اوصل له. يعني كثير من اقرب قرائيي انا مش عارف اوصل له اصلا. مش عارف هجيب نمرته منين هوصل له ازاي؟ ما اعرفش هو فين حتى - 00:44:25

لو حد من قرائيي يقدر يصلني يبقى جزاه الله كل خير. يقدر يسيب لي رقمه على القناة وانا اتصل به يبقى جزاه الله كل خير. اي حد من قرائيي من ناحية والدتي او ناحية - 00:44:45

والدي يبقى جزاه الله كل خير. احنا الوقت بفضل ومنة الله اللهم لك الحمد. اللهم لك الحمد. احنا خلصنا سلسلة فرسان العشر يا جماعة. خلصنا السلسلة دلوقتي الحمد لله اتكلمنا مع بعض عشر ليالي مع بعض. عشر ليالي ورا بعض بفضل ومنة الله سبحانه وتعالى. اتقابلنا. يعني الفكرة يعني الفكرة كان الواحد قلقان منها في الاول. هنعمل - 00:44:55

فرسان العشر هنعمل سلسلة عشرة زي الحجة طب افرض يعني الموضوع برضو مش معهود او ي يعني ان ابيجي الناس مش متعددة ان ده موسم. افرض الناس ما تفاعلتش ولكن - 00:45:15

ربنا قدر ان من اول درس ايام لا تعوض اللي كان عن عشر ذي الحجة حصل تفاعل. الواحد ما كانش متوقع اصلا. تفاعل ما شاء الله لا قوة الا بالله. الواحد ما كانش متوقع ان - 00:45:25

لما بتحمس على العمل الصالح بتتحمس للدرجة دي. ان الناس بتتسخن للدرجة دي. ان الناس فيها الخير ده كله بس محتاجة اللي يشجعها. اللي يبصراها. اللي يجيها الاحاديس بتاعة الرسول وايات القرآن ويحطها قدامها. ويقول لها شوفي ربنا بيقول ايه. وشوفي السواب شكله ايه - 00:45:35

اللهم لك الحمد يا جماعة اتكلمنا عن فرسان الزكر وعملنا مشروع خطير جدا ورقة الزكر. ورقة الزكر وقلنا الازكار اللي فيها. والسلسلة طبعا كلها على موقع قلت له والله يعني اللي عايز يجيها على موقع الطريق الى الله - 00:45:51

بازن الله ورقة الذكر وقلنا من ضمن الازكار لو تفتقروا سبحانه الله والحمد لله ولا الله الا الله والله اكبر. ابن مسعود بيقول من من ظن بالمال ان ينفقه. معك ملايين ومش عايز تصرف - 00:46:03

وعجز عن الليل ان يكابده. مش قادر يقوم الليل. وجبن عن العدو ان يجاهده. ومش قادر يجاهد. يعمل ايه من قول سبحانه الله

والحمد لله ولا اله الا الله. والله اكبر. اتكلمنا عن كنوز الذكر. اتكلمنا في حلقة تانية عن كنوز الصيام عن فرسان الصيام. واتكلمنا ازاي عن العبادة - 00:46:17

الخطيرة العبادة العظيمة دي. العبادة الرهيبة اللي اليوم بتاعها بيباعد وجهك سبعين خريف. عن النار بتقطع مسافة غيرك بيقطعها سبعين سنة. في سبعين سنة في الطريق اللي ربنا تقطعها في يوم واحد بالصيام. غيرك ممكن يقعد بعبادات تانية يقعد سبعين سنة.

انت بعبادة الصيام تقطع المسافة دي كلها. في يوم واحد بس. امتنعت فيه عن الطعام والشراب والشهوة لاجل الله - 00:46:37

اتكلمنا على ان الصيام بيخليل السحور بتاعك عبادة. ان الله وملائكته يصلون على المتسحرين. هنقطع يا جماعة. هنقطع عبادة الذكر. مش هنقدر جلسات ضحى بعد كده ونسكت ربنا فيها الافكار الرهيبة دي اللي احنا قلنا عليها هنقطع عبادة الصيام؟ ما عديش هتصومي اتنين وخميس! يا جماعة خلاص ان شاء الله بازن الله تلتasher واربعتasher وخمسasher - 00:46:57

جايين اهم تلتasher واربعتasher وخمسasher والخميس والجمعة والسبت. بس الخميس حرام صيامه. لانه من ايام التشريق التلاتة اللي حرام صيامها يبقى احنا الاسبوع ده ان شاء الله هنصوم جمعة وسبت - 00:47:17

اربعتasher وخمسasher والخميس والجمعة والسبت. اربعتasher وخمسasher وخميس بازن الله سبحانه وتعالى. اتكلمنا عن فرسان القيام فرسان الاسحار لما سيدنا داود ربنا قال له يا داود ان لي عبادا احبهم ويحبونني. واشتاق اليهم ويشتاقون الي. اتدرى يا داود - 00:47:27

ان قلدهم احبيتك. ربنا بيكلمنبي. بيقول له قلدهم وانا احبك. ايه ده! ايه يا جماعة العبادة العظيمة دي! يا داود اذا جاء الليل فرشوا الي جيابهم ونصبوا الي اقدامهم وناجوني بكلامي وتملقوالي بانعامي. فهم بين سارق وشائكة وبين - 00:47:47

وباك اتدرى يا داود اعطيهم ثلاثا. لو ان السماوات السبع والاراضين السبع في ميزانهم يوم القيمة. لاستقللتها عليهم يا داود اقذف من نوري في وجوههم وقلوبهم فتستثير وجوههم وقلوبهم. اتدرى يا داود اقبل عليهم بوجهي - 00:48:07

ارأيت يا داود من اقبلت عليه بوجهي؟ ماذاريد ان اعطيه؟ يا فرسان هنبطل قيام بعد عشر ذي الحجة هنبطل قيام احنا قلنا المفروض ان شاء الله الساعة عشرة بالليل او حداشر بالليل خلاص الحياة تقف عشان اللي عايز يصللي قبل الفجر. طيب اللي مش قادر يصللي بعد العشاء بس يبقى ورد سابت يا جماعة. ما نضيعش العبادات دي بقى - 00:48:27

السلسلة دي عملناها عشان يبقى عشر ذي الحجة بداية وليس موسم معدة عشان نبقى بداية يا جماعة كلمني عن فرسان الدعاء. وقلنا يا جماعة ان زمان كان الواحد معتقد ان احنا محتاجين دعاء. والله العظيم انا غيرت رأيي - 00:48:47

والله يا جماعة اللي انا اكتشفته ان احنا ما احنا محتاجين دعاء. احنا محتاجين دعاء ليل نهار يا جماعة. يا اخوانى احنا كلنا مرضى. وكلنا عندنا ممكن مشاكل وفيها مشاكل مادية ومشاكل في اجتماعية وقضايا هموم في الدين وعبادات مش قادرين عليها ومشاكل في الآخرة وزنوب قديمة - 00:49:03

وناس اعداء مترصدين لنا كلنا يا جماعة عندنا مشاكل. هنعيش ازاي من غير كلمة يا رب؟ وقلنا انك انت سبت الوتر كل ليلة قبل ما تمام لما بتيجي في الركعة الثالثة ارفع ايدك بقى وكتير من الدعاء. يبقى لك وقت سابت. سابت تقول فيه يا رب. زائد ما بين الادان والاقامة الدعاء لا يرد. لا يرد - 00:49:23

زي دعاء الصائم حتى يفطر لا يرد لا يرد اول ما تسمع الاذان بيقول الله اكبر تجري على الجامع. تلحق تصلي السنة وتقعد تدعى ربنا اتكلمنا عن فرسان القرآن. وقلنا انك انت كل حرف بعشر حسنان. انا كنت زمان - 00:49:43

اقول يا جماعة هو القرآن كتاب. كل اللي فيه ان الحرف بعشر حسنان. واقعد اسخر من اللي بيقول الكلام ده. الوقتي والله يا جماعة الواحد غير رأيه. انا دلوقتي بامسك المصحف اقول يا رب الكتاب ده - 00:49:56

عشرين حسنان لي عندك يا رب. وممكن لو انا خاشع في القراءة تضاعف لها يا رب. ايه الفضل المبين ده؟ ايه يا رب النعمة العظيمة دي يا رب ايه يا رب - 00:50:06

ايه يا رب النعمة الكريمة العظيمة منك دي يا رب؟ الواحد فرحان يا جماعة. فرحان ان دينا فيه كل الفضائل دي. فرحان بالكنوز دي.

زوجتي بتنقول لي وانا جاي. انت كل ما تتكلم عن - 00:50:16

عبادة يعني كان العبادة دي اخطر شيء في الدنيا. اقول لها اعمل ايه؟ انا كان واحد قدامه كنوز. كل كنز ما لوش مثيل على وجه الارض. اما اجي اتكلم عن كنز الصيام - 00:50:26

طب كنز الصلة ما لهاش وسيم. طب كنز الصدقة ما لوش مزيل. طب كنز صلة الرحم ما لوش مثيل. نعمل ايه؟ كنوز ربنا اداها لنا. كنوز ربنا افاض بها علينا هنضيعها ها قيام الليل لازم ورد الصيام اتنين وخميس ان شاء الله او يوم في الاسبوع بازن الله ذكر الله في جلسة الضحى - 00:50:36

اول ما تكبيرة الاحرام اول ما التكبير في الاذان ييجي. ننزل عشان ندعى وعشان نصلی السنة ونلحق الصف الاول وتكبيرة الاحرام. ما ننساش يا جماعة هزه الكنوز اللي احنا عشنا فيها وتدبرنا فيها وعشنا معها عشر تيام. كانوا عشر تيام من الجنة والله يا جماعة. الحمد لله والشكر لله. ان شاء الله بازن الله هناكل بقلوة - 00:50:55

يوم القيامة ان شاء الله بازن الله. لما نيجي نلاقي كل الحسنات دي يا بخط اللي صلوا واللي صاموا كل سنة وانتم طيبين. يا اللي قمت الليل. مبروك يا اللي صمته. مبروك - 00:51:15

الواحد ساعة يوم عرفة وعرفة يوم عرفة والمغرب بيقرب الواحد قلبه كان كان قلبه مرجوف ليه؟ مرعوب احسن يعني احسن اول ما الحمد لله يا رب. تسع تيام عينتين على الصامم يا رب. اللهم لك الحمد يا رب. تسع تيام في ميزان العبد ان شاء الله يا رب. بازن الله يا رب القبول يا رب. من - 00:51:25

فهنيه ومن المحروم فنعزيه. يلا يا جماعة يلا موسم من المواسم الخطيرة جه وخلاص بيقول وبيودع المواسم ما بتخلصش وما بتنتهيش وكرم ربنا واسع وياما لسة المواسم جاية بازن الله نقوم بقى ونكمel بازن الله سبحانه وتعالى. اللهم تب علينا لنتوب - 00:51:45

اللهم تب علينا توبه ترضى بها عنا. اللهم اجعلنا من يصلون ارحامهم. اللهم يسر لنا صلة ارحامنا. اللهم اعنا على صلة ارحامنا. اللهم انا نتوسل اليك الا تجعلنا من يقطعون ارحامهم. اللهم اعنا على صلة ارحامنا يا رب - 00:52:04

اجعلنا من يصلون ما امرت به ان يوصل يا رب. ويخشونك ويخافون سوء الحساب. اجعلنا من واصلی الارحام يا رب يا رب اجعل

من يبل الارحام ببللها يا رب يا رب اعني على القيام والصيام والذكر والشكر اعنا على ذكرك - 00:52:24

اترك وحسن عبادتك برحمتك يا ارحم الراحمين. امين يا رب العالمين. اوعوا تننسوا العشر مكالمات الليلة بتوع صلة الارحام تخلص الرصيد على صلة الرحم. يا رب يا رب يوفقنا كلنا ونعملهم. اقول قولي هذا واستغفر الله لي ولكلم - 00:52:44

سبحانك الله وبحمدك اشهد ان لا الله الا انت استغفرك واتوب اليك. كل سنة وانتم طيبين الله اكبر الله اكبر. لا الله الا الله - 00:53:04